

剡錄卷三

宋高似孫著

先賢傳

謝承作會稽先賢傳鍾離岫作會稽後賢傳今倣此作傳唐脩晉史凡晉人士奇辭逸語往往

刊落知者惜之今取諸晉雜史庶於晉人風度有所載焉

人士

戴逵字安道譙國人居剡祖碩父綏並有名位逵有清操性高潔不樂當世以琴書自娛善圖畫巧丹青爲文綺藻常以禮度自處深以放達爲非年十餘歲在瓦官寺畫王長史見之曰此童非徒能畫亦終當致名恨吾老

剡錄

卷三

一

不見其盛時耳孝武時以散騎侍郎國子博士累召辭父疾不就郡縣敦逼不已乃逃於吳會稽內史謝幼度慮其遠遁不返上疏請絕其召命帝許之逵還剡召之復不至吳國內史王珣有館在虎邱山乃潛往珣山中謝元王珣並表達焉謝太傅本輕逵見但與論琴書逵既無吝色而談琴書愈妙謝悠然知其量晉安帝紀曰逵有清操性甚快暢泰於娛生好鼓琴善屬文尤樂遊讌多與高門風流者遊談者許其通隱屢辭徵命遂著高尚之稱逵既厲操東山而其兄遠欲建式遏之功戴氏譜曰遠字安直譙國人祖碩父綏有名位遠以武勇顯有功封廣陵侯仕至大司農謝曰卿兄弟志業何其

太殊遠曰下官不堪其憂家弟不改其樂

謝敷字慶緒會稽人澄清寡欲入太平山十餘年以母老還南山若耶中內史郗愔表之徵博士不就嘗於剡中造風林寺敷崇信釋氏以長齋爲業初月犯少微少微一名處士星占者以隱士當之戴安道有美才時人惜之俄而敷死會稽人士嘲曰吳中高士求死不得死郗超字景興高平人司空愔之子也少卓犖不羈有曠世度累遷中書郎司徒左長史超每聞欲高尚隱退者輒爲辦百萬資并爲造立居宇在剡爲戴公起宅甚精整

剡錄

卷三

二

戴始往舊居與所親書曰近至剡如官舍

謝奕作剡令

中興書曰謝奕字無奕陳郡陽夏人祖衡太子少傅父哀吏部尚書奕少有器鑒辟太尉

豫州刺史

有一老翁犯法謝以醇酒罰之乃至過醉

而猶未已太傅時年七八歲著青布袴在兄膝邊坐諫曰阿兄老翁可念何可作此奕於是改容曰阿奴欲放去耶遂遣去

李宏度常歎不被遇

中興書曰李充字宏度江夏鄞人也祖康父矩皆有美名充初辟丞相掾

記室參軍以貧求剡縣遷大著作中書郎

殷揚州知其家貧問君能屈志百

里否李答曰北門之歎久已上聞窮猿奔林豈暇擇木

謝奕李宏度一傳已見上古今長此疑重出

遂授剡縣

戴敦字長雲安道子也爲散騎常侍與顥並高蹈俗外三葉肥遁世稱清風家盈素氣故使箕穎重輝夷皓疊蹟

爲海內所稱焉前後辟命不就

出吳地志

戴顥字仲若安道子也剡多名山故世居剡下與兄並受琴於父父沒所傳之聲不忍復奏各造新弄兄制五部顥制十五部顥又制長弄一部並傳於世桐廬縣又多名山復共遊之因留居止兄卒顥以桐廬僻遠難養疾出居吳下吳下士人共爲築室聚石引水植林開澗乃

剡錄

卷三

三

述莊周大旨逍遙論釋禮記中庸篇元嘉中召不就止京口黃鵠山北竹林精舍宋文帝每欲見之常謂黃門侍郎張敷曰吾東巡之日當晏戴公山下也卒年六十

四

出沈約宋書

阮裕字思曠陳留尉氏人也祖輅齊國內史父顥汝南太

守少有德行

出中興書

淹通有理識居會稽剡縣志尚肥遁

出阮裕別傳

在東山蕭然無事常內足於懷

出世說

除東陽太

守徵侍中皆不就

有以問王逸少逸少曰此公不驚寵辱雖古之沈冥何以過此劉眞長曰我入東正當泊安

石渚下耳不敢復近思曠傍在東山終日靜默無所脩

綜而物自宗焉卒葬剡山

出晉書

阮傭字彥倫裕長子仕至州主簿

出阮氏譜

阮萬齡裕之孫少知名家在剡縣頗有素情宋永初末自

侍中解職東歸

王羲之字逸少司徒導從子也家世貧約恬暢樂道未嘗

以風塵經懷

出王導別傳

祖正尚書郎父曠淮南太守元帝

之過江也曠創其議羲之有英譽風骨清舉

出晉安帝記

高

爽有風氣不類常流

出宋文帝文章志

朝廷公卿皆奇其才器

剡錄

卷三

四

為右軍將軍會稽內史初渡浙江便有終焉之志時孫

興公與支道林共載往逸少因論莊子逍遙遊作數千

言才藻新奇逸少披襟留連不能已

出世說

慕會稽佳山

水名遂居焉剡金庭觀稱右軍故宅有書樓墨池

王徽之字子猷羲之子性卓犖不羈

出晉中興書

為大司馬桓

溫參軍溫曰卿在府久比當相料理初不答以手版拄

頰云西山朝來致有爽氣

出世說

嘗居山陰夜雪初霽月

色清朗四望皓然獨酌酒詠左思招隱詩忽憶戴逵達

時在剡便夜乘小舟訪之經宿方至造門不前而返人

問其故徽之曰本乘輿而行興盡而返何必見安道耶
子敬與子猷書道伯兄蕭索寡會遇酒則酣暢忘返乃
自可矜

謝元字幼度與從兄朗俱爲叔父安所器重轉征西將軍
苻堅入寇朝廷求文武良將安以元應舉郗超歎曰元
不負所舉吾嘗見其使才雖履屐之間亦得其任於是
徵拜建武將軍監江北諸軍事大破苻堅遂經畧舊都
加都督七州會翟遼張願叛元上疏送節盡求解所職
又以疾辭授散騎常侍會稽內史元輿疾之郡居嶠山

剡錄

卷三

五

東北太康湖江曲起樓樓側桐梓森聳人號桐亭

出鄞道元

注水經 卒葬始寧有文集十卷三子曜宏微皆歷顯位

王洽字敬和導諸子中最知名與苟羨俱有美稱歷散騎

中書郎又加中書令穆帝詔書稱其清裁嘗遊剡

出白居易

沃州記

劉恢字道生沛國人識局明濟有文武才王濛每稱其思

理淹通蕃屏高選爲車騎司馬年三十六卒贈前將軍

出宋明帝文章志 嘗入剡

出沃州記

許詢字元度高陽人有才藻善屬文

出續晉陽秋

與孫興公皆

一時名流說出世俱有負俗之談卒不降志出文能清言

於時人士皆欽慕仰愛之出晉中劉尹云清風朗月輒

思元度說出世父叟晉元帝渡江遷會稽內史因居焉許氏

譜曰元度母華軼女詢隱居不仕召為朝議郎不就築室永興縣

蕭然自致乃號其岫曰蕭然山楊巨源詩許詢本愛交

耿漳詩許詢清論重寂寞住山陰野客投寒寺閉門傍
古林海田秋熟早湖水夜漁深世上窮通理誰能奈此

心入剡山莫知所止或以為昇仙出晉中

殷融陳郡人歷太常吏部尚書仲堪其子也有才操仲堪

子曠之為剡令有父風時融病虛悸聞牀下蟻鬪謂是

剡錄 卷三 六

牛鬪曾遊剡出沃洲記

孫綽字興公家會稽博涉經史出文與兄統為文選言簡

章清綺絕倫出續文綽遊放山水十有餘年作遂初賦

以致其意遊剡中出沃洲記

王濛字仲祖太原晉陽人濛神氣清韶放邁不羣檢尚雅

正外絕營競辟司徒掾中書郎出王長史別傳嘗遊剡焉

何充字次道廬江人思韻淹通有文章才情累遷會稽內

史侍中揚州刺史出晉嘗入剡出沃洲記

王坦之字文度述之子與郗超俱有重名歷散騎常侍大

司馬嘗遊剡

出沃洲記

臨死與謝安桓冲書不及私惟憂國

家事

謝朗字長度安次兄據之長子文義豔發名亞於元仕至

東陽太守

出晉陽秋

嘗至剡中

出沃洲記

謝太傅寒雪內集俄而

雪驟公欣然曰白雪紛紛何所似兒子胡兒曰

胡兒朗小字也

撒鹽空中差可擬兄女曰未若柳絮因風起公大笑樂

兄女即大兄無奕女左將軍王凝之妻也

婦人集曰道蘊有文才所

著詩賦誄頌傳於世

袁宏字彥伯陳郡人謝安賞宏機捷辨速自吏部郎出為

剡錄

卷三

七

東陽郡祖於冶亭時賢皆集安欲卒迫試之執手將別

顧左右取一扇而贈之宏應聲答曰輒當奉揚仁風慰

彼黎庶合坐歎其要捷

出晉陽秋

嘗入剡

出沃洲記

彪有逸才文

章絕麗曾為詠史詩是其風情所寄

彪宏小字出續晉陽秋

王脩字敬仁太原晉陽人父仲祖也脩明秀有美稱為著

作佐郎琅琊王文學轉中軍司馬未拜而卒時年二十

四王弼之沒與脩同年脩弟熙歎曰無愧於古人而年

與之齊也曾入剡

出沃洲記

謝萬字萬石太傅安弟也才氣高俊蚤知名歷吏部中郎

將豫州刺史散騎常侍

出中興書

嘗入剡

出沃洲記

萬善屬文能

談論爲八賢論謂漁父屈原季主賈誼楚老龔勝孫登

嵇康也

出中興書

蔡系字子叔濟陽人司徒謨第二子有文理仕至撫軍長

史

出晉中興書

嘗曰韓康伯雖無骨幹亦自膚立嘗入剡

出沃

洲記

孔淳之字彥深魯人少高尚居剡性好山水每有所遊必

窮幽峻或旬日忘歸嘗遇桑門披衿領契自以爲得意

之交

出王智深宋記

與戴顓王宏之敬宏等共爲人外之遊會

剡錄

卷三

八

稽太守謝方明苦要之不能致使謂曰苟不入吾郡何

爲入吾郭淳之笑曰潛遊者不識其水巢棲者不辨其

林飛沈所至何問其主終不肯往茅室蓬戶庭草蕪徑

唯牀上有數帙書

出沈約宋書

元嘉初徵爲散騎侍郎乃逃

於上虞界中家人莫知所在

謝靈運陳郡陽夏人移籍會稽幼聰慧善屬文舉筆立成

文章之盛獨絕當時

出文選名人錄

襲封康樂遷祕書丞出爲

臨海太守及經山陰防禦

出元嘉起居注

郡有各山水靈運素

所愛好遂肆意遊遨父祖並葬始寧有宅墅脩營舊業

傍山帶江盡幽居之美嘗入剡有詩曰旦發清溪陰暝
投剡中宿

孔稚珪字德璋山陰人早立名譽風韻清疎好文詠當時
名士陸慧曉謝淪張融何點沈澗相與爲君子之交盛
營山水不樂世務徵侍中不行又拜詹事嘗入剡從褚
伯玉授道伯玉死稚珪爲於太平館立碑

張嵯稷之子稷初爲剡令至嵯亭生子因名嵯字四山嵯
雅有志操能清言起家祕書郎累遷湘東王長史王暇
日元言因爲之筮得節卦謂嵯曰卿後當東入爲郡恐

剡錄

卷三

九

不得終嵯曰貴得其所耳還爲大府卿吳興太守侯景
圍建鄴率兵赴援授嵯征東將軍嵯曰天子蒙塵何情
復受榮號賊行臺劉神茂攻破義興遣使說嵯嵯斬其
使遣軍破神茂侯景遣其中軍侯子鑒助神茂擊嵯軍
敗死節元帝追贈侍中開府儀同三司諡忠貞

朱士明剡人齊舉茂才梁天監初授儒林博士除吏部尚
書封漢昌侯

賀知章字季真越永興人性曠夷姑子陸象先曰季真清
譚風流一口不見則鄙吝生矣肅宗爲太子遷賓客拜

接全唐詩建中初客泉州結廬於南安九日山請就加校書郎自號東海釣徒東渡秣陵東訛作冬年八十餘卒脫一卒字南安人思之

少本作久得釣本作釣得還木作遣

祕書監知章晚節誕放號四明狂客祕書外監天寶初病夢遊帝居請為道士還鄉以宅為千秋觀帝賦詩乞鏡湖剡川一曲賜之

秦系字公緒越州會稽人有詩名天寶間避地剡川作麗

句亭郡守改其居曰秦君里出秦隱君詩序北都留守薛兼訓

奏為右衛率府倉曹參軍不就建中初結廬於泉南九

日山穴石為研注老子系詩曰終當避世暄白注五千言刺史薛播數

往見之張建封聞不可致請就加校書郎系寄建封詩曰少是煙霞

客潭深得釣魚不知芸閣上還校幾多書姜公輔以言忤德宗為州別駕築

剡錄

卷三

十

室鄰系而居焉貞元七年冬渡秣陵年八十餘泉南人

思之號其山為高士峯有詩一卷

李紳字公垂中書令李敬元孫少孤游剡止龍宮寺老僧

脩真曰後當領鎮此道幸願建飾吾寺出紳所作龍宮寺碑踰二

紀紳自宣武節度歷左散騎越州刺史乃一新舊遊之

地賦詩以紀其事又刻碑

齊抗字遐舉定州義豐人拜中書門下平章事昔遊越鄉

閱玩山水者垂三十載初棲於剡嶺後遷於玉笥自解

辟此山未二紀而登台鉉出陳諫登石傘峯詩序似孫喜藏齊相拜平章時誥

孝行

齊公孫僧達剡人也治父喪至孝事母及伯父謹節名聞郡縣建元三年表列僧達等二十三人詔表閭蠲賦齊韓靈敏剡人早孤與兄靈珍並有孝性母亡無以營奉共種瓜半畝朝摘瓜子暮已復生遂辦葬焉會靈珍亡無子有妻守節靈敏事之如母

剡縣小兒年八歲與母俱病赤斑母死家人不令兒知兒疑問之曰母嘗數問我病今不復問何也因自投牀扶匐至母屍側頓絕而死

剡錄

卷三

十一

陳王知元居剡丁父喪哀毀卒高宗改孝家里

鄭僧保剡人居父母喪廬墓側十載芝草生於墓甘露降

松柏

列女

公孫夫人姓公孫氏會稽剡人資三靈之淳懿誕華宗之澄粹奇朗兆於齧齧四教成於弱笄慈恩溫恭行有秋霜之潔祇心制節性同青春之和敦 憲章動遵規禮居室則道齊師氏有行則德配女儀禮服有盈籩豆無闕贊曰猗歟夫人天資特挺行高冰潔操與霜整性揚

蘭芳德振玉穎猗彼瓊林奇翰有集展彼碩媛令德來

緝動與禮遊靜以義立

出晉鈕滔母孫氏所作序贊

仙道

劉晨阮肇剡縣人漢明帝永平十五年采藥於天台山望

山頭有一桃樹取食之又流水中有胡麻飯屑二人相

謂曰去人不遠因過水深四尺許行一里又度一山出

大溪見二女容顏絕妙便喚劉阮姓名問郎何來晚也

館服精華東西帷幔寶絡左右盡青衣進胡麻飯山羊

脯設甘酒歌調作樂日暮止宿住半年天氣和適常如

剡錄

卷三

二三月鳥鳴悲慘求歸甚切女喚諸仙女歌吹送還鄉

鄉中怪異驗得七代子孫傳聞祖翁入山不知何在太

康八年失二公所在

剡有天台遇仙此其居也林概越中

詩繡被歌殘人竟遠
桃花源靜客忘歸

葛洪字稚川仙翁從孫好神仙導養仙翁以丹授弟子鄭

君稚川就鄭君得之咸和初選散騎常侍辭以交趾出

丹砂求爲勾漏令鍊丹羅浮山卒年八十一顏如玉體

柔軟舉尸八棺但遺空衣上虞蘭芎山稚川所棲也

出輿

地志盧綸詩城闕望煙霞嘗悲仙路賒寧知樵子徑得
到葛洪家曹唐詩最愛葛翁尋藥處露花玉蕊滿山春

剡有仙翁丹井石梯釣魚臺稚川亦至焉

褚伯玉字元璩錢塘人少有隱操年十八父爲之婚婦入前門伯玉出自後門往居剡瀑布山隔絕人物王僧達爲吳郡寧朔將軍邱珍孫與僧達書曰褚先生滅影雲棲抗高木食非折節好士何以致之

出蕭子顯齊書

以禮招致

伯玉不得已停郡信宿纔交數言而退宋孝建二年召聘不就齊高帝卽位手詔吳會二郡以禮迎遣辭疾而歸敕於剡白石山立太平館舍之孔稚圭從其授道爲於館側立碑

南史

卒年八十六常居一樓仍葬樓所

剡錄

卷三

十三

趙廣信陽城人魏末入剡小白山受李法成服炁法又受師左君守元中之道內見五臟徹視法七八十年賣藥人間作九華丹或曰白日登天山中有趙廣信丹井

孫韜字文藏會稽剡人入山師潘四明叅受眞法陶隱居手爲題握中祕訣門人罕能見唯傳韜與柏闔二人

出眞

誥

顧歡字景怡隱剡山好服食弟子鮑靈綬門前有樹大十餘圍精怪數見歡印樹卽枯山陰白石邨多邪病歡爲講老子皆愈又有病邪者歡問其家有孝經否歡令取

仲尼居一章置枕邊而愈齊高帝輔政徵揚州主簿踐

阼乃至稱山谷臣進政綱一卷優詔稱美東歸賜麈尾

素琴

上虞江岸有顧墅俗傳顧歡問學之所

吳筠字貞節華陰人通經義美文辭舉進士不中去居南

陽山天寶初召至京師南遊天台觀滄海與有名士相

娛樂文辭傳京師明皇遣使召見大同殿與語甚悅敕

待詔翰林獻元綱三篇帝嘗問道對曰深於道者無如

老子五千言復問神仙治鍊法對曰此野人事積歲月

求之非人主所宜留意未幾漁陽事作乃復東入會稽

剡錄

卷三

十四

剡中

高僧

白道猷羅漢僧來自西天竺居沃州山

白居易沃州山記曰道猷肇開茲山

竺道壹在若耶山道猷以詩寄之

連峯數十里修林帶平津茅茨隱不見雞

鳴知有人間步踐其徑處處見遺薪始知百世下猶有上皇民開此無事蹟以待竦俗賓長嘯自林際歸此保天真壹得詩欣然往訪之上虞有白道猷嶺嘗結庵於此江公堯詩好是道人巖畔月夜深清照飲猿溪天

台山水清險前有石橋徑不盈尺長數十丈下臨絕澗

冥忘其身然後能濟師梯巖壁捫蘿葛前山蔚然綺秀

雙嶺八天有瓊臺玉閣道猷過此獲紫芝靈藥

出啟蒙記注

晉哀帝一作安
帝君曰見其朱
門見字下有其
字

竺潛字法深隱剡山學義淵博名聲蚤著宏道法師也

庾出

法暢人
物論

晉哀帝兩使禮致之既至簡文允師敬劉俊嘲

之曰道人亦遊朱門乎潛曰君自見朱門貧道以為蓬

戶耳還山支遁求買沃州小嶺潛公曰欲來當給不聞

巢由買山隱也遁得深公之言慙恧而已

世說作因人
就深公買印

山舊經曰東岫山在新昌縣東四十里石林避暑錄曰

高僧傳畧載孫綽道賢論以當時七僧比七賢竺法護

比山巨源白法祖比嵇叔夜竺法乘以王濬冲竺法深

比劉伯倫支道林比向子期于法蘭比阮嗣宗支道遠

比阮仲容各以名迹相類者為配惜不見全文世說晉

人本超逸更能以佛理佐之宜其高勝不凡但恨是時

未有經文傳者亦未能廣猶以老莊為宗竺法深賢於

王氏諸人遠矣即支遁求買沃州報曰未聞巢由買山

剡錄

卷三

十五

開一作開雪一
作雲

而隱者遁猶輸此一著想見其人物也皇甫冉詩高人

本姓竺開上舊名林一入雪山裏千年不可尋秦系詩

松間儻許幽人住更不將錢買沃州棲白詩荒齋增暑

夢數夕罷冥搜南海高僧問西園獨鶴愁興生黃竹晚

吟斷碧雲秋共是忘機者何當臥沃州清晝詩憶君南

適越不作買山期劉長卿詩沃州能共隱不用道林錢

支遁字道林 高逸沙門傳曰遁姓關氏 神心警悟清識元

理任心獨往風期高亮沈思道行泠然獨暢 出支遁
別傳 又

幼有神理聰明透澈 出支
遁傳 王濛重之曰造微之功不減

輔嗣羲之在會稽與交住靈嘉寺入沃州小嶺建精舍

盧象詩元度常稱支道林高人隱處白雲 至山陰講維

深一去人間長不見千峯萬壑勢森森 及世說曰諸人士
林法師在會

勢一作樹

摩經許詢為都講賓主之辯相尋無窮

世說曰諸人士
及林法師在會

稽西寺講王荀子在焉許掾史
往西寺與王論理共決優劣

又在白馬寺中將馮太

常共語逍遙支卓然標新理於二家之表

馮氏譜曰馮懷長樂人歷

太常護軍將陸龜蒙詩何時更問逍遙義
五粒松陰拂石牀注曰道林有逍遙義

有遺馬者受

之曰吾愛其神駿

山有放馬坡在縣東三十里

有餉鶴者曰凌霄之

姿何肯與人作耳目近玩養翻成使飛去

世說曰支公好鶴住岫山

有放鶴峯

每名辰至餘姚隲曰昔來就見安石輒移旬日今

觸情是愁耳歿葬隲中

舊經曰隲在餘姚縣西南十二里僧史曰遁經餘姚隲信宿彌

日不去或問其意曰若安石相從未嘗不移旬日今觸
目是愁耳乃移隲中永和元年閏四月四日歿葬隲中

世說曰墓在石城戴安道過其墓歎曰德音未遠而拱
木已積蓋神理懸懸不與氣運俱盡耳出建康實錄

剡錄

卷三

十六

有文集八卷

集中有卽色論高妙

乾興淵支道開威蘊密實光識

斐藏濟度逞印

自威至印一字爲一僧與白道猷竺法潛支道林乾興淵支道開凡十八僧皆

居沃州山出沃州山記

支曇蘭晉太元中遊剡縣後憩赤城

高僧傳

竺曇猷燉煌人少苦行習結禪定遊江左止剡之石城山

有神現形詣猷曰師威德既重來止此山弟子輒推室

相奉天台山懸崖峻峙峯嶺侵天上有釋舍得道者居

之有石橋跨澗而橫石斷之自終古以來無得至者猷

行至橋所聞空中聲白知君誠篤今來相度後十日當

得住此矣

竺法崇有律學精法華經居剡葛峴山茅茨澗飲孔淳之訪之信宿不去神思頓豁

曇斐會稽剡人棄家事慧基善莊老儒墨之書考究經典疑義還居法華臺寺衡陽孝王元簡廬江何允師事之張融周顒從其遊

僧護會稽剡人住石城山隱岳寺寺北有青壁千餘尺護每至其下輒聞管弦聲或發光怪卽發誓就壁鐫十丈佛像齊建武中用工經年纔成面像俄臥疾臨終誓曰

剡錄

卷三

十七

再生當就吾志

僧祐剡人作石像祐授其準式先是建安王聞僧護所造石像上奏詔祐董其事天監十五年成舊說祐護前身也

靈澈字澄源會稽湯氏子風儀甚雅談笑多味雖受經論

心好篇章

出劉禹錫詩序

語甚平易如不出常境而諸生思慮

終不可至

出權德輿送行序

從巖維學詩抵吳興與皎然遊後

自廬山入剡歸沃州

剡錄卷三終